

議政李符議方輪之事若是再犯憲府所啓甚當右議政張順孫議同傳曰方輪依臺諫所啓罷職可也○火星與月同度○日暈兩珥○丙午傳曰前者朴孟弼越牆與倭人潛買事已為承服而禁府以輕律擬照予亦以為太愆然有司必按律照啓故允下而其後諫院以為必有挾持禁物故越牆潛買而禁府只據飾詐之招不推其挾持禁物之事而以輕律擬啓云故孟弼更推事下教矣今見孟弼所推之招曰開市時買之則恐不得如意故越牆潛買云此言之飾詐與否亦未可知也然山獺皮五十令若於成衆處買之則必不得如意買也且挾持禁物越牆事若出於事干之言端而臺諫的聞來啓則固當無數加刑死有餘罪今既加刑四五次而所供又如此且挾持禁物之罪又是一罪不可以疑事窮推也今禁府以杖一百全家入居照律入啓○是夜巽方有氣如火○丁未司憲府大司憲朴壕等啓曰司宰監奴業孫以其子忠勳府奴順江悖逆不道家舍田地潛賣殆盡使老父將餓死其為不孝莫大且結黨無賴人多聚淫女國恤初設辦禁肉晝夜數聚動樂會飲行止荒唐治罪事告狀本府據其狀推閱順江以不孝多受刑訊其父業孫還以父子恩情欲活其命累次呈狀適以旱災自上方軫獄